



Broj: 03/1-50-14-7-8- 4 /15  
Sarajevo, 25.8.2015.

**PREDMET: Informacija o posjeti članova Zajedničke komisije za odbranu i sigurnost BiH Ministarstvu odbrane BiH i Zajedničkom štabu Oružanih snaga BiH, 2.7.2015.**

Članovi Zajedničke komisije za odbranu i sigurnost BiH (u daljnjem tekstu: ZK) posjetili su, 2.7.2015., Ministarstvo odbrane BiH i Zajednički štab Oružanih snaga BiH (u daljnjem tekstu: MOBiH i ZŠOSBiH).

U delegaciji ZK bili su: Sifet Podžić, predsjedavajući, Borjana Krišto, zamjenica predsjedavajućeg, Šemsudin Mehmedović, Hazim Rančić, Mario Karamatić, Bariša Čolak i Hanka Vajzović, članovi ZK, Željko Grubešić, stručni savjetnik, te Boško Šiljegović, parlamentarni vojni povjerenik BiH.

Sastanku s članovima ZK u MOBiH prisustvovali su: Marina Pendeš, ministrica, Emir Suljagić i Boris Jerinić, zamjenici ministra, pomoćnici ministra odbrane, general-pukovnik Anto Jeleč, načelnik ZŠOSBiH, general-majori Senad Mašović i Mirko Tepšić, zamjenici načelnika ZŠOSBiH, general-major Husein Tursunović, komandant Komande podrške OSBiH, general-major Dragan Vuković, komandant Operativne komande OSBiH, brigadni general Enes Huseinović, generalni inspektor, sa saradnicima.

Na sastanku je razgovarano o aktuelnom stanju, problemima i načinu njihovog rješavanja u sektoru odbrane. Posebno je razgovarano o mogućem načinu modernizacije Oružanih snaga BiH, o potrebi nabavke potrebnih sredstava koja, prije svega, treba da učine Oružane snage operativnijim i spremnijim u izvršavanju misija gdje se posebno istaklo pitanje pomoći civilnom stanovništvu u slučaju elementarnih nepogoda i prirodnih katastrofa.

Razgovaralo se i o statusnim pitanjima pripadnika OSBiH, izradi dokumenta „Pregled odbrane“, rješavanju pitanja vojne imovine, racionalizaciji u trošenju budžetskih sredstava i ispunjavanju uslova za početak provođenja Akcionog plana za članstvo u NATO-u.

Na sastanku je konstatirano da Ministarstvo odbrane BiH i Oružane snage BiH, u saradnji s UNDP-jem, vrlo uspješno realiziraju program uništavanja viškova municije i minsko-eksplozivnih sredstava „EXPLODE“, u čemu je vidljivo izražena spremnost OSBiH da

odgovori i najvećim izazovima. Veoma pozitivnim i korisnim ocijenjena je saradnja svih subjekata sektora odbrane s EUFOR-om, Štabom NATO-a u Sarajevu i Misijom OSCE-a u realizaciji projekata koji doprinose izgradnji Oružanih snaga BiH, u skladu s potrebnim standardima.

Zaključeno je da će Ministarstvo odbrane BiH i Oružane snage BiH vrlo brzo pripremiti program aktivnosti i mjera koje će sistem odbrane učiniti efikasnijim i operativnijim u izvršenju zadataka predviđenih misijom te da će se prijedlozima novih i dogradnjom postojećih zakonskih rješenja učiniti dodatni naponi u stvaranju preduslova za uspješniji i efikasniji rad svih subjekata u sektoru odbrane.

Predsjedavajući  
Zajedničke komisije

**Sifet Podžić**

**Dostavljeno:**

- naslovu
- a/a